



Broj/Број: 01/7-50-1-52-2-25/05
Sarajevo/Сарајево: 17.02.2005.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Primljeno: 18.03.2005-g.			
Org. jed.	Broj	Prilog	Vrijednost

ZAPISNIK

sa 25-e sjednice Administrativne komisije Predstavničkog doma Parlamentarne skupštine Bosne i Hercegovine, održane u prostorijama institucija Bosne i Hercegovine, dana 17.02.2005. godine, s početkom u 13,40 sati. Sjednica je završena u 16,20 sati.

PRISUTNI ČLANOVI KOMISIJE: Senija Kapetanović, Vinko Zorić, Mubera Ušanović, Jozo Križanović, Momčilo Novaković, Dušanka Majkić, Hazim Felić, Ivo Miro Jović;

OPRAVDANO ODSUTNI ČLANOVI KOMISIJE: Nikola Špirić;

OSTALI PRISUTNI: Jadranka Korać, šef Računovodstva Parlamentarne skupštine Bosne i Hercegovine;

Dvadeset petom sjednicom Administrativne komisije Predstavničkog doma Parlamentarne skupštine Bosne i Hercegovine **predsjedavala je Senija Kapetanović**, predsjedavajući Administrativne komisije Predstavničkog doma Parlamentarne skupštine Bosne i Hercegovine.

Za sjednicu je predložen sljedeći

DNEVNI RED :

1. Usvajanje Zapisnika sa 24-e sjednice Administrativne komisije;
2. Razmatranje Dopisa Ustavno-pravne komisije, broj: 01/1-50-1-85-39/05 od 11.01.2005. godine, u skladu sa Zaključkom sa 24-e sjednice Administrativne komisije;
3. Imenovanje izvjestioca za Izvještaj o radu Administrativne komisije;
4. Razmatranje Orijentacionog radnog plana za 2005-u godinu Predstavničkog doma Parlamentarne skupštine Bosne i Hercegovine;
5. Razmatranje Zahtjeva, broj: 01/7-50-3-61/05 od 18.01.2005. godine, u skladu sa Zaključkom sa 24-e sjednice Administrativne komisije;
6. Razmatranje Zahtjeva, broj: 03-16-3-92/05 od 08.02.2005. godine;
7. Razno.

Dvadeset petu sjednicu Administrativne komisije Predstavničkog doma Parlamentarne skupštine Bosne i Hercegovine otvorila je predsjedavajuća sjednicom Senija Kapetanović. Pošto je konstatirala da postoji kvorum za održavanje dvadeset pete sjednice, predložila je dnevni red s njegovom dopunom pod tačkom **AD-7 Razno**, kako slijedi:

- a)-PLAĆE-isplata i preispitivanje Zaključka sa 24-e sjednice vezano za ustavne odredbe;
- b)-Informacija o razgovoru s prvim zamjenikom predsjedavajućeg Komisije za finansijske i administrativne poslove Doma naroda i zakazivanju zajedničke sjednice za 01.03.2005. godine s početkom u 10 sati;
- c)-Zaključak sa 24-e sjednice-Pregled novina i podjela za 2005. godinu;
- d)-Razmatranje materijala na Kolegiju Administrativne komisije koji čine predsjedavajući, prvi i drugi zamjenik predsjedavajućeg;
- e)-Razmatranje Prijedloga Poslovnika Predstavničkog doma Parlamentarne skupštine Bosne i Hercegovine kao nenadležna komisija;
- f)-Dostavljanje, obrada i razmatranje materijala na Administrativnoj komisiji.

Pošto je predložen dnevni red, predsjedavajuća sjednicom Senija Kapetanović pozvala je prisutne članove Administrativne komisije da se izjasne o predloženom dnevnom redu i njegovim dopunama, odnosno da daju svoje primjedbe, prijedloge i sugestije.

Nakon iznesenog prijedloga dnevnog reda s navedenom izmjenom, u diskusiji o dnevnom redu učestvovali su: Momčilo Novaković, Senija Kapetanović, Ivo Miro Jović, Jozo Križanović, Hazim Felić, Vinko Zorić. Nakon završene diskusije o dnevnom redu, na prijedlog Ive Mire Jovića, uvrštena je u dnevni red tačka **AD-7 Zauzimanje stava o pisanju medija i saopćenje za javnost u vezi s Prijedlogom Zakona o pravima i dužnostima članova Parlamentarne skupštine Bosne i Hercegovine**, a tačka **AD-7 Razno** postala je tačka **AD-8**.

S obzirom da nije bilo drugih prijedloga, primjedbi i sugestija, dnevni red je s predloženim dopunama dat na glasanje. Prisutni su jednoglasno usvojili dnevni red s predloženim dopunama.

Nakon usvajanja dnevnog reda dvadeset pete sjednice Administrativne komisije Predstavničkog doma Parlamentarne skupštine Bosne i Hercegovine, pristupilo se njegovom razmatranju po utvrđenim tačkama.

AD-1 Zapisnik sa 24-e sjednice Administrativne komisije Predstavničkog doma Parlamentarne skupštine Bosne i Hercegovine usvojen je jednoglasno.

AD-2 Uvodno izlaganje o ovoj tački dnevnog reda dala je predsjedavajuća sjednicom Senija Kapetanović. Nakon uvodnog izlaganja u raspravi su učestvovali: Momčilo Novaković, Dušanka Majkić, Senija Kapetanović, Ivo Miro Jović, Jozo Križanović, Vinko Zorić, Hazim Felić, Mubera Ušanović. Nakon završene diskusije o ovoj tački dnevnog reda, prisutni članovi Administrativne komisije su sa 6 glasova "ZA" i 2 "UZDRŽANA" donijeli

ODLUKU
o osnivanju Potkomisije

I

Osniva se Podkomisija Administrativne komisije koja će usaglasiti tekst Prijedloga Zakona o pravima i dužnostima članova Parlamentarne skupštine Bosne i Hercegovine u skladu s primjedbama i sugestijama sa 25-e sjednice Administrativne komisije.

II

U Potkomisiju iz tačke I ove Odluke imenuju se:

- 1.Vinko Zorić,
- 2.Hazim Felić,
- 3.Momčilo Novaković.

III

Zadatak Potkomisije je da popravi i usaglasi tekst Prijedloga Zakona o pravima i dužnostima članova Parlamentarne skupštine Bosne i Hercegovine do 01.03.2005. godine.

IV

Preporučuje se Potkomisiji da popravljanje i usaglašavanje teksta Prijedloga Zakona, ukoliko to bude moguće, uradi zajedno s članovima imenovanim u Potkomisiju ispred Komisije za finansijske i administrativne poslove Doma naroda Parlamentarne skupštine Bosne i Hercegovine.

V

Zadužuje se sekretar Administrativne komisije da obavijesti prvog zamjenika predsjedavajućeg Komisije za finansijske i administrativne poslove Doma naroda Parlamentarne skupštine Bosne i Hercegovine da bi bilo poželjno da i ova Komisija imenuje svoja tri člana u Potkomisiju najkasnije do utorka, 22.02.2005. godine, kako bi obje Potkomisije mogle početi s radom već u srijedu, 23.02.2005.godine.

V

Odluka stupa na snagu danom donošenja.

AD-3 Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Diskusije o ovoj tački dnevnog reda nije bilo. Prisutni članovi Administrativne komisije jednoglasno donijeli su

ZAKLJUČAK

Vinko Zorić određuje se za izvjestioca o Izvještaju o radu Administrativne komisije Predstavničkog doma Parlamentarne skupštine Bosne i Hercegovine za period od 01.07. do 31.12.2004. godine.

AD-4 Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović, predloživši da se u Orijentacioni plan rada za 2005. godinu Predstavničkog doma Parlamentarne skupštine Bosne i Hercegovine uvrsti Zakon o pravima i dužnostima članova Parlamentarne skupštine Bosne i Hercegovine. U diskusiji o ovoj tački dnevnog reda učestvovali su: Ivo Miro Jović koji je predložio da se u Orijentacioni plan rada za 2005. godinu Predstavničkog doma Parlamentarne skupštine Bosne i Hercegovine uvrsti, pored navedenog Zakona, i Zakon o plaćama i ostalim materijalnim naknadama budžetskih korisnika na nivou Bosne i Hercegovine, te Jozo Križanović, sekretar Administrativne komisije Davorka Čaplinski i Hazim Felić. Nakon završene diskusije o ovoj tački dnevnog reda prisutni članovi Administrativne komisije jednoglasno su **utvrdili** da u poglavlje Zakonodavne aktivnosti Orijentacionog radnog plana treba uvrstiti sljedeće zakone:

1. Zakon o pravima i dužnostima članova Parlamentarne skupštine Bosne i Hercegovine.

PREDLAGAČ: Komisija za finansijske i administrativne poslove Doma naroda i Administrativna komisija Predstavničkog doma.

2. Zakon o plaćama i ostalim naknadama budžetskih korisnika na nivou Bosne i Hercegovine.

PREDLAGAČ: Vijeće ministara u skladu sa Zaključkom sa 33-e sjednice Predstavničkog doma.

AD-5 Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Nakon uvodnog izlaganja Ivo Miro Jović je predložio zaključak u kojem bi se konstatiralo da se neće praviti razlika između savjetnika, pa time ni odlučivati o pojedinačnim zahtjevima; da se treba u zaključku pozvati na Rezoluciju o uvođenju moratorija na sve zakone i odluke kojima se uvode povećanja ličnih primanja izabranih zvaničnika u izvršnoj i zakonodavnoj vlasti i činjenicu da je tendencija smanjenja materijalnih troškova, a što sve stvara obavezu da se ovo pitanje regulira pravilnikom. Pošto nije bilo drugih učesnika u diskusiji, kao ni prijedloga i sugestija, prijedlog Ive Mire Jovića dat je na glasanje. Prisutni članovi Administrativne komisije jednoglasno su donijeli

ZAKLJUČAK

I

S obzirom da su Zahtjev za utvrđivanje naknade za korištenje mobilnog telefona u službene svrhe podnijela dva savjetnika, Davorin Semenik i Sretko Bursać, a da u Parlamentarnoj skupštini Bosne i Hercegovine ima šest savjetnika, Administrativna komisija odlučila je da ne donosi odluku o pojedinačnim zahtjevima savjetnika kako se tom odlukom ne bi ostali savjetnici stavili u neravnopravan položaj u odnosu na imenovane savjetnike.

II

Administrativna komisija Predstavničkog doma Parlamentarne skupštine Bosne i Hercegovine je, imajući u vidu Rezoluciju o uvođenju moratorija na sve zakone i odluke kojima se uvode povećanja ličnih primanja izabranih zvaničnika u izvršnoj i zakonodavnoj vlasti, te opću ekonomsku situaciju i preporuke za smanjenje materijalne potrošnje, zaključila da se pitanje

naknada za korištenje mobilnog telefona u službene svrhe treba regulirati pravilnikom, a ne pojedinačnim odlukama.

AD-6 Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Dodatno obrazloženje i prijedlog zaključaka o ovoj tački dnevnog reda dao je sekretar Administrativne komisije Davorka Čaplinski. Nakon uvodnog izlaganja i obrazloženja u raspravi o ovoj tački dnevnog reda učestvovali su: Momčilo Novaković i Senija Kapetanović. Nakon provedene rasprave, prisutni članovi Administrativne komisije jednoglasno su usvojili

ZAKLJUČAK

I

Nalaže se Gordani Slavnić da u roku od 3 dana od prijema ovog Zaključka izvrši pravdanje putnih troškova na Blagajni Računovodstva Parlamentarne skupštine Bosne i Hercegovine.

ZAKLJUČAK

I

Skreće se pažnja članovima Kolegija Sekretarijata Parlamentarne skupštine Bosne i Hercegovine da u odluke za putovanje po pravilima ECPRD-a treba obavezno unositi klauzulu prema kojoj troškove putovanja i smještaja refundira organizator kako bi se izbjegle moguće nepravilnosti pri obračunu troškova putovanja.

ZAKLJUČAK

I

Administrativna komisija Predstavničkog doma Parlamentarne skupštine Bosne i Hercegovine nalaže stručnim službama Sekretarijata Parlamentarne skupštine Bosne i Hercegovine da zahtjeve za refundaciju troškova putovanja od ECPRD-a odmah po upućivanju organizatoru dostavljaju i Računovodstvu Parlamentarne skupštine Bosne i Hercegovine.

AD-7 Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Nakon uvodnog izlaganja, u raspravi o ovoj tački dnevnog reda učestvovali su: Vinko Zorić, Senija Kapetanović, Dušanka Majkić, Momčilo Novaković. Nakon završene rasprave o ovoj tački dnevnog reda, prisutni članovi Administrativne komisije jednoglasno su usvojili

Administrativna komisija Predstavničkog doma Parlamentarne skupštine Bosne i Hercegovine oglasit će se u medijima saopćenjem za javnost nakon utvrđivanja definitivnog Prijedloga Zakona o pravima i dužnostima članova Parlamentarne skupštine Bosne i Hercegovine od strane mjerodavnih komisija.

Ad-8 a) PLAĆE-isplata i preispitivanje Zaključka sa 24-e sjednice vezano za ustavne odredbe;

Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Dodatno obrazloženje uz ovu tačku dnevnog reda dala je šef Računovodstva Parlamentarne skupštine Bosne i Hercegovine Jadranka Korać. Nakon uvodnog izlaganja i obrazloženja, u raspravi o ovoj tački dnevnog reda učestvovali su: Vinko Zorić, Jadranka Korać, Momčilo Novaković, Ivo Miro Jović i Senija Kapetanović. Nakon rasprave o ovoj tački dnevnog reda, prisutni članovi Administrativne komisije uputili su sa sjednice Jadranku Korać da ode lično i provjeri najnovije informacije vezane za obračun plaće. Daljnjih diskusija i zaključaka po ovoj tački dnevnog reda nije bilo, niti povratnih informacija.

b)-Informacija o razgovoru s prvim zamjenikom predsjedavajućeg Komisije za finansijske i administrativne poslove Doma naroda i zakazivanju zajedničke sjednice za 01.03.2005. godine s početkom u 10 sati;

Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Informirala je prisutne članove Administrativne komisije o razgovoru s prvim zamjenikom predsjedavajućeg Komisije za finansijske i administrativne poslove Doma naroda Parlamentarne skupštine Bosne i Hercegovine u vezi sa zakazivanjem zajedničke sjednice, dnevnog reda i datuma održavanja zajedničke sjednice. Diskusija o ovoj tački dnevnog reda nije bilo. **Prisutni članovi Administrativne komisije jednoglasno su prihvatili informaciju.**

c)-Zaključak sa 24-e sjednice-Pregled novina i podjela za 2005. godinu;

Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Nakon uvodnog izlaganja o ovoj tački dnevnog reda u raspravi su učestvovali: Jozo Križanović, Senija Kapetanović, Momčilo Novaković, Jadranka Korać, Vinko Zorić, Ivo Miro Jović, Mubera Ušanović i Hazim Felić. Nakon provedene rasprave o ovoj tački dnevnog reda, prisutni članovi Administrativne komisije jednoglasno usvojili su

ODLUKU

o raspodjeli novina za 2005. godinu

I

Administrativna komisija Predstavničkog doma Parlamentarne skupštine Bosne i Hercegovine odlučila je da pravo na novine koje se nabavljaju na teret sredstava Parlamentarne skupštine Bosne i Hercegovine u 2005-oj godini imaju:

1. Kolegiji domova, i to: na dvoje dnevne i jedne sedmične;
2. Sekretari domova, i to: na jedne dnevne i jedne sedmične;
3. Klubovi poslanika i delegata, i to: na jedne dnevne i jedne sedmične;

4. Biblioteka, i to: sve dnevne i sedmične;
5. Press, i to: sve dnevne i sedmične.

II

Zadužuje se Računovodstvo Parlamentarne skupštine Bosne i Hercegovine da od korisnika utvrđenih u tački I ove Odluke zatraži da se pismenim putem izjasne koje novine žele primati u 2005-oj godini.

III

Odluka stupa na snagu danom donošenja, a primjenjivat će se od 01.03.2005. godine.

te

ZAKLJUČAK

I

Zadužuje se Računovodstvo Parlamentarne skupštine Bosne i Hercegovine da za narednu sjednicu Administrativne komisije Predstavničkog doma Parlamentarne skupštine Bosne i Hercegovine pripremi pregled fakturiranih i isporučenih novina u mjesecu decembru 2004. godine.

d)-Razmatranje materijala na Kolegiju Administrativne komisije koji čine predsjedavajući, prvi i drugi zamjenik predsjedavajućeg;

Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. **Prisutni članovi Administrativne komisije jednoglasno su podržali prijedlog da Kolegij, koji čine predsjedavajući Administrativne komisije, te prvi i drugi zamjenik predsjedavajućeg Administrativne komisije, razmatra materijal prije održavanja sjednice Administrativne komisije.**

e)-Razmatranje Prijedloga Poslovnika Predstavničkog doma Parlamentarne skupštine Bosne i Hercegovine kao nenadležna komisija;

Uvodno izlaganje o ovoj tački dnevnog reda dala je predsjedavajuća sjednicom Administrativne komisije Senija Kapetanović. Nakon uvodnog izlaganja o ovoj tački dnevnog reda, u raspravi su učestvovali: Momčilo Novaković i Senija Kapetanović. Nakon završene rasprave o ovoj tački dnevnog reda, prisutni članovi Administrativne komisije jednoglasno usvojili su

ZAKLJUČAK

Ovu tačku treba uvrstiti u dnevni red 8-e zajedničke sjednice Komisije za finansijske i administrativne poslove Doma naroda i Administrativne komisije Predstavničkog doma Parlamentarne skupštine Bosne i Hercegovine, zakazane za 01.03.2005. godine.

f)-Dostavljanje, obrada i razmatranje materijala na Administrativnoj komisiji.


Rasprave o ovoj tački dnevnog reda nije bilo.

Pošto je iscrpljen dnevni red, predsjedavajuća dvadeset pete sjednice Administrativne komisije Predstavničkog doma Parlamentarne skupštine Bosne i Hercegovine Senija Kapetanović zaključila je sjednicu u 16,20 sati.

Sastavni dio ovog zapisnika čini transkript sa 25-e sjednice Administrativne komisije Predstavničkog doma Parlamentarne skupštine Bosne i Hercegovine.


Sekretar
Administrativne komisije
Davorka Čaplinski




Predsjedavajući
Administrativne komisije
Senija Kapetanović